

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

063

主編

吳海鷹

副主編

吳建偉

雷興魁

雷曉靜

回族典藏全書

063

甘肅文化出版社
寧夏人民出版社

第六十三冊 目錄

馬文莊公集(卷十一——卷十五)	清木刻本	明·馬自強	一
清真教考群書彙輯	明手抄本	明·張忻	一七三
元祐黨籍碑考 偽學逆黨籍	清活字本	明·海瑞	二五一
回回原來	清石印本	清·佚名	二八一
回回原來	清手抄本	清·佚名	三三五

道光丙午

馬文莊公集

九世孫福海
耀聲重刻
駿譽
十世孫友龍校字

文獻名馬文莊公集
作者明·馬自強
版本清木刻本

馬文莊公文集選卷之十一

議

沙苑虛賦議

同州朝邑縣之南有高阜飛沙連亘東西七十餘里南北二十餘里卽唐之沙苑也國初欽賜郭駙馬每畝徵租銀一分迄今二百餘年矣前歲撫院議得公主年遠澤微賜田不應仍如此之多而韓府祿糧見缺令郭氏自擇肥地二十頃餘盡歸官以供韓府祿糧取彼有餘補此不足意甚善也有司因闡省槩均平原地糧分上中下三等遂將

文獻名馬文莊公集
作者明·馬自強
版本清木刻本

文獻名 馬文莊公集
作者 明·馬自強
版本 清木刻本

馬文莊公集卷之十一

飛沙惡地既多增項畝亦分爲三等增糧至七升五升三升題奉欽依窮民不勝冤苦控訴無門扣閭陳奏已蒙下戶部行關中勘議矣竊以爲熙洽之世未有加徵况凋弊之民豈堪苛責惟有司不仰體在上更化之本意而流弊遂至於此耳何者初撫院題請原無此意只欲將郭氏租田除二十項之外其餘歸官接補祿糧耳戶部題覆亦無此意只准其將郭氏租田除二十項之外其餘盡退歸官接補祿糧耳夫所謂盡退歸官者盡郭氏之額田也非欲郭氏原額之外又加搜括也亦未嘗於郭租之外又令加

租也成案具存明明可考苟只以郭氏原額地租而編入祿糧豈非行其所無事而爲智之大哉奈何奉行者妄希悅上不顧虐民身不入沙之中目不睹沙之實始甘言而巧誘其報繼用刑而強逼之威繼任意而暗爲之增焉惟欲以多地多租爲已功而不恤下民之虐也甚矣且王府祿糧之不足豈止陝西一韓府哉天下之如韓府者不知其幾也近憂國者建議下中外臣工各陳所以足祿糧之策一時條陳者不下數十百人矣其所條陳者亦不下數十百事矣採其可行者刻爲宗藩條例未聞有一言及加

文獻名馬文莊公集
作者明·馬自強
版本清刻本

文獻名 馬文莊公集
作者 明·馬自強
版本 清木刻本

賦者豈其智不及此哉良以加賦非美政非熙洽之世之所宜有也非凋弊之民之所能堪也故雖有心計者亦不忍犯清議爲此言耳漢時桑孔輩計利至析秋毫然亦惟於舟車權之於鹽鐵權之於茶酤權之而已未聞其於田家最苦者加賦也然且歛怨於當年遺譏於後世而今乃爲桑孔所不爲又出其下耶夫今日國家之用至爲缺乏司農每每告匱矣今州縣丈平原之地以均糧其地非不多於原額也而止以原糧均之當此缺乏之時乘此更化之際正宜加賦以足用矣而胡不加耶知其不可也夫平

原之地且不可加賦而沙礮惡地反加之耶此何以解也
況郭武定之在當時其威勢何如也其家丁收租橫行於
州間其氣焰何如也若沙中果有出產肯每畝只租銀一
分又肯一分且容其拖欠耶議事者胡不此察也獨不見
沙中之苦乎居室無高垣四面環堵皆沙也冬春多風出
門滿目皆沙也門戶不能蔽飲食杯棬皆沙也況沙隨風
轉地以沙遷朝更夕改月異而歲不同也亦安得如平原
地以上中下三等定之哉以上中下三等定沙地是朝三
暮四之術也不然則膠柱刻舟之見而沙無定形地有定

文獻名 馬文莊公集
作者 明·馬自強
版本 清木刻本

文獻名 馬文莊公集
作者 明·馬自強
版本 清木刻本

馬文莊公集

卷十一

三

則乎其計左其害深矣此輩窮民不幸而生於沙中至苦也今乃不憐其苦而又鑿空增項加賦稅以益其苦耶嘉靖十年間鳳泉王公爲叅政自同人華過沙中念百姓虛賦詩以傷之曰百里人烟絕平沙人望遙春深無寸草風動有驚濤兩稅終年納千家計日逃窮民何以答遮馬訴嗷嗷刻在州誌中讀者每爲太息至今三十餘年矣夫三十年之前有不忍人之心者傷其虛賦若將求爲之減蠲而不可得也豈知三十年之後又有忍人之心者出反爲之加賦耶皆有司不仰體在上更化之本意而流弊一

至於此耳若在上者初誠知之必不忍使沙中之民之至於此極矣今奏下必亦知之恐又拘於成案以復舊爲難而欲酌量少增則窮民之苦其何能盡解也夫事妥則行未妥則改改之不吝此古人盛德事也如知其窮已到骨而前爲有司所誤又安忍量增爲故事雖區區一方而政之得失民之利病實天下不得其平之一處也余非私言之也天下之公言也傳曰不盡民之力不盡民之財不盡民之情言仁也又曰所惡於智者爲其鑿也如智者若禹之行水則無惡於智矣禹之行水行其所無事也言智也敢

文獻名 馬文莊公集
作者 明·馬自強
版本 清木刻本

文獻名 馬文莊公集
作者 明·馬自強
版本 清木刻本

馬文莊公集卷之十一

四

以是爲明公望倘破拘攣之見而爲民一洗冤苦地方幸
甚據實條陳語實情惻
身歷者自知其苦

論

堯舜其心至今在

以下應天程士

聖人之心歷萬世而常存焉其以道爲體者乎蓋聖人之心道之會也非獨聖人之心也所以爲天地立心者也聖人會道之全體以其心爲天地立心天地不息道亦不息道不息聖人之心亦不息夫固不依形而立不待生而存者也謂聖人既歿而其心遂與其形之化者同耶是殆觀聖人之心以形而不知觀聖人之心以道道不與形爲存亡心亦不隨形而化故後之人無志乎聖人之心則已有

文獻名
馬文莊公集
作者
明·馬自強
版本
清木刻本

文獻名 馬文莊公集
作者 明·馬自強
版本 清木刻本

志平聖人之心有不思思則得之有不求求則可見由于
百載之後而可以會聖人之精於千百載之前一道體爲
之感通焉耳程子謂堯舜數千年矣而其心至今在非心
堯舜之心者其能創爲此說乎且聖人何以爲天地立心
也天地生民物凡可以爲之所者無不欲爲也而其勢不
能也於是乎生聖人而畀之以道而寄之以心聖人以道
存之而爲心又以其心運之而爲治以盡民物之性以成
天地之能是天地無心以聖人之心爲心聖人有心而實
體天地以爲心是心也以道爲體者也至公至正至虛至

明至神至大者也蓋得之天地之本然而又與天地古今
相爲流通者也故能爲天地立心也或曰聖人在以其心
爲天地立心固也聖人不在則與其不可傳者往矣卽二
典三謨皆糟魄也而謂堯舜之心至今在不幾於玄虛其
說而欺天下後世矣乎曰以形觀聖人則不特虞之時已
無堯夏之時已無舜自穀林蒼梧之旣掩而堯舜之跡無
一存者矣而況至於今乎以道求聖人之心則其以道爲
體者乘天地之正御六氣之變以遊乎無窮官天地府萬
物直寓六骸而未嘗泯者歷萬世可常存也而何但於今

馬文莊公集

卷之十一

七

文獻名 馬文莊公集
作者 明·馬自強
版本 清木刻本

文獻名 馬文莊公集
作者 明·馬自強
版本 清木刻本

馬文莊公集卷一
日夫典謨豈盡糟魄也哉吾嘗卽典謨而窺堯舜之心矣
舉元凱誅四凶舍子而與賢殛鯀而與禹不可以見其心
之至公平考中星正日同律度量衡封山濬川類帝禋宗
敷教明刑典禮諧音聖讒說殄行不可以見其心之至正
乎稽衆舍已好問好察用其中於民不可以見其心之至
虛乎欽明濬哲闢門明目達聰不可以見其心之至明乎
德之廣運至於被四表治之從欲至於動四方不可以見
其心之至神乎其仁如天其德好生自九族之睦以至萬
邦之雍自三苗之格以至上下草木鳥獸咸若巍巍蕩蕩